

備忘錄

法式善著



備忘錄

唐德宗詔二月為中和節後人訛中為清并以二月為清和之遠矣



本草所言蘭今澤蘭也蕙則零陵之產蓋花葉皆香而燥濕皆

宜乃可謂之香草後世指建蘭即離騷紉佩之者都梁朱子楚辭

辨證甚確

乾隆二十五年平定伊犁回部建 紫光閣于 豐澤園之北

時應宮之南圖功臣像于閣上日下舊聞春明夢餘錄僅存

其名耳

乾隆四十年纂輯天祿琳琅書目後宋元以來舊板各書續歸

內府復得宋板周易程傳朱子周易本義周易傳義大全郭雍

易粹言胡士行尚書詳解毛詩大戴禮禮記二部周禮王與

之周禮訂義聶從義三禮圖二部春秋經傳張洽春秋集注蔡



模孟子集疏賈昌朝羣經音辨中箱本九經裴駟史記集解二部兩漢詳節婁機班馬字類張津乾道四明志列子揚雄法言內經素問通典詳節周髀算經廣韻吳棫韻補吳淑事類賦郭忠恕佩觿錦繡萬花谷徐堅初學記徐陵玉臺新詠昌黎先生集柳先生集權德輿文公詩集盧綸戶部詩集秦觀淮海集臨川集徐積節孝集陸宣公奏議影宋鈔婁機班馬字類朱子楚辭集注六臣注文選二部遼板僧行均龍龕手鑑元板葉時禮經會元陳桎通鑑續編吳兢貞觀政要金史明板六經圖二部熊宇篆文楚騷呂本中童蒙訓頌從義法帖釋文考異二賢詩傳共五十三種

揚州平山堂之文滙閣鎮江金山之文宗閣杭州聖因寺之文瀾閣各貯四庫全書一分

江寧蘇州杭州織造雖明舊制改宦寺為內務府司官地方事

務不許與聞

辛夷紫色玉蘭白色以玉蘭接枝則開白花玉蘭小且叢生欲花大必須辛夷接植若辛夷雖不以玉蘭接之亦成樹也特紫花耳

蔡襄茶錄真蹟今藏海寧陳氏

古壑雲松圖伯顏不花作元人能畫者甚多蒙古人僅此

南京李莊家有趙子昂小楷蘭亭近見翁覃溪先生為朱野雲亦小楷蘭亭于唐硯之背藏鋒垂鉞不能辨其為七十外書也
恭閱

聖祖仁皇帝實錄康熙二十八年八月己丑

駐蹕江寧

星臺召諸臣問有知天文者否因問掌院學士李光地古
觜參今為參觜其理云何光地奏未曉

上曰以儀器測之參宿至天中確在觜宿之先觀此足信今之不誤

上又問恒星動否光地奏臣不能知惟新法言恒星天亦動但其動微耳

上曰郭守敬儀器不可行於今由不知恒星天動故也自來史誌歷法類空言無實如熒惑退舍之說天象垂戒理則有之若果退舍後來以何積算

上又歷指三垣星座問光地不能盡舉

上指示從官歷歷明晰尚書張玉書圖訥等皆欽頌

聰明天縱非臣等所能仰窺云

乾隆四十六年辛丑三月蘭州撒爾番回蘇四十三等因救馬明心殺官拒捕佔據河州城旋竄省城外之華林山命大學士阿桂等往勦悉盡甲辰四月十五日逆回田五倡興新教糾眾滋擾 上命

大學士公阿桂等勦之復平

木蘭之鹿每于八月爭北而鬪故哨鹿必在八月

乾隆四十九年國子監司業銜郭鍾岳閩人年五百歲因

上創辟雍親來觀禮并赴千叟

御宴善實與之共晨夕二三十日精神矍鑠昇平人瑞也

四庫全書分經史子集而冊面各分色裝潢經部用青色絹史

部用赤色絹子部用白色絹集部用灰黑色絹

聖製詩初集四千一百餘首二集八千四百餘首五集八千七

百餘首餘集六百六十餘首

乾清宮正大光明匾

世祖章皇帝御書 景山觀德殿正大光明匾

聖祖仁皇帝御書 圓明園正大光明匾

世宗憲皇帝御書

萬壽山香山 避署山莊 勤政親賢廂 高宗純皇帝俱有御書

三集萬一千七百餘首四集九千七百餘首

朝為霽夕為嵐見

高宗純皇帝聖製詩蓋本謝靈運夕曛嵐氣陰王維遙道谷宴集序羣山夕嵐之語而李商隱徒望朝嵐與夕霽誤矣近日紀文達之別號曉嵐亦沿訛耳

今之國子監元世祖至元廿四年遷都北城所建 聖廟亦非中統所修以金樞密院為宣聖廟蓋指南城國子學而言茲不可知其地矣後五百餘年

上以辟雍園水之制未備歲次癸卯春興工 命建次年冬工竣

竣

乾隆五十年

上命

歷代帝王廟增祀晉元帝

諭旨意謂彼時諸臣已遵奉

德意秩祀無遺是以乙未年躬祭帝王廟詩有但匪墮宗均入祀

仁皇奕代著金科之句及昨歲閱大清通禮並檢閱紅本始知崇祀者尚少而於前後五代則全無反闌入後漢之桓靈甚不

愜於懷因勅大學士九卿等更議增晉元帝明元帝成帝康帝

穆帝哀帝簡文帝宋文帝孝武帝明帝齊武帝陳文帝宣帝元

魏道武帝明帝太武帝文成帝獻文帝孝文帝宣武帝孝明帝

唐憲宗後唐明宗周世宗金哀宗凡二十五帝其桓靈則徹出

之以昭公論用符

荊州田盤山之盤谷寺非韓昌黎所引之盤谷也盤谷在今之

河南濟源縣

高宗純皇帝制考辨之西山卧佛寺唐之兜率寺雍正十二年

賜名十方普覺寺

和闐玉子以隨流而下為精水涸及鑿石而取之皆不及
內府藏晉硯二唐硯七又漢未央瓦硯三銅雀瓦硯六建安甄
硯一皆希世珍也

聖祖仁皇帝命苑監于壺盧初生時制印模以規之及成文理
宛然瓶碗諸器至今尚存其法

恭讀

高宗皇帝聖制五集伊犁將軍伊勒圖病故詩以惜之小注昔漢趙
充國為後將軍議罷騎兵萬人留屯田條便宜十二事宣帝從
其計羌人降者三萬餘蓋伊犁自平定準噶爾回部後屯政大
開烏魯木齊等各城命大臣分駐經理屯田民戶日增兵餉不
費行之二十餘年天時順成地利壑闢各該處屯田頻年大熟
皆伊勒圖總理得宜之效也
乾隆乙巳年

上披閱四庫全書內張照論樂劄子云世所傳五六工尺上等
字即宮商角徵羽五音因命典司樂部諸臣將現習各樂章
譜內駢注五六工尺上及宮商角徵羽字俾樂工肄習通曉引
俗入雅

乾隆丙午年安徽巡撫書麟奏太湖縣唐家山向無居民處所
鄉民掘挖蕨根見土內雜有黑米磨粉攪和好米煮食頗可充
飢遠近聞風踵至縣令親詣彈壓分給窮民共得米一千數百
餘石呈進米樣上令煮熟親嘗

又奏泗州河灘中有菡菜突黎挖得菡根色白味甘可以充飢
明雕器出果局者製最精

農諺以立秋日不雨為秋棹主秋雨少若雨竟日為俊主秋雨
多

天命十一年設八旗大臣天聰三年定文館職司五年設六部

六年定城守官三年考察之例八年定八旗職官名十年更定
內三院崇德元年定內院官制設都察院二年設八旗議政大
臣三年設理藩院定部院制八年設禮部蒙古理事官

乾清宮敬貯

太祖實錄戰圖八冊乃

盛京時舊

本 皇上以尊藏之帙子孫不能盡見因於辛丑春 命

依式重摹二本以一本貯上書房一本恭送 盛京敬藏並

御製敬題詩什

聖製詩五集卷二十八淳化軒詩註

昔我朝順治初年民數不過一千六十三萬今休養生息百數
十年民數已至二萬七八千萬之多較國初增二十倍戶口多
則用物多物價安得不貴此保泰所以難也

商周以前無洗至周始有之博古圖所載諸洗滿洲舊例晨祭
之內必于室海故洗當東榮

滿洲舊例晨祭之肉必于室中親友共食畢之不令出戶其福
酒福糕則遍遺未至之親友

夷門廣牘柴窑周世宗時所燒天青色滋潤細媚有細紋足多
粗黃土博物要覽論柴窑謂青如天明如鏡薄如紙聲如罄為

諸鬼之况今 內府所藏色皆黑無青者

薊州田盤山有上中下之名上以松勝中以石盤下以水勝

農諺有清明風刮土連連四十五

洋菊^近年始盛備具五色種類甚多有大經周尺者

乾隆癸巳年於西頂北之長河岸建蓋營房移城中火器營之
半於此居之

江南農諺一夜騎秋雨遍地是黃金謂立秋日前後皆有雨為
吉占北方則以立秋日小雨而晴為佳其日弗雨及雨弗止皆
不吉

洗車雨歲時雜記謂七月六日荆楚歲時記謂七月七日杜牧之七夕詩云最恨明朝洗車雨不教回脚渡天河是又以七月八日矣

伊犁及各回城錢文陰面各鐫本處地方左 國書右回書

西苑創自前朝今 瀛臺之 涵元殿諸處皆仍其舊至迤北

之 豐澤園 惇叙殿各處乃康熙年間所建迤南之 淑清

苑 寶月樓 同豫軒一帶則乾隆年間所增

蒙古回部番部等年班入 覲宴賚歲底則於 大內之 撫

辰殿新正則於 瀛臺之 紫光閣上元則於 御園之 正

大光明又于燈節前在 山高水長筵宴

康熙二十三年設臺灣府領縣三十一曰臺灣風山諸羅雍正元

因諸羅距淡水廳遼遠分諸羅迤北一帶為彰化縣今改諸羅

為嘉義

臺灣郡縣城圍向用竹木編插康熙年間朱一貴滋事平定總督滿保議及建城而未及今林爽文平定後郡城廳縣酌量建城以資保障

南海子飛放泊瞭鷹臺即元之仁虞院明季於適中處有廡殿為行宮今俗呼為吳殿置太監提督一員官防一員又分置東

西南北提督四員今僅存新舊兩衙門

白雲觀元之太極宮也元太祖時長春真人邱處機居之改名

長春宮後又改為白雲觀京師以正月十九日為燕為節至期

羽士並集觀中

側理紙拾遺記云海苔為之煨稱晉時所製近浙省倣製亦復

相似

羣訪譜元日值甲穀賤通書以正月上旬子日占歲事亦有甲

子豐年語

乾隆四十年升熱河廳為承德府以所屬六廳為州縣初建文廟增置學額府並予鄉試

勤縣范氏藏書之所名天一閣閣凡六楹義取天一生水地六成之為厭勝之術今之淵源津湖四閣匯宗瀾三閣悉倣其制

農政全書云六月不熟五穀不結

太常仙蝶太常署中無不知而敬者乾隆五十三年冬至月二十日禮部侍郎以錦匣貯之恭呈御覽且云冬月入蟄每不

見茲忽入其家似欲入禁中者然有聖製詩誌寔法式善

是日召試軍機處曾目睹之是日虛車之飾賦賦得日長添

線詩得齋字五言八韻

安南古南交地漢武帝時置日南等九郡交趾居其一唐調露初改安南都護府始有安南之名明永樂時復改為交趾正統

仍封為安南國王今嘉慶年改名越南

玉泉從山根仰出與濟南趵突無異並非瀑泉舊稱玉泉垂虹者誤也故聖製詩有垂虹明季誤名之句

漢書昆明池有名人二以象牽牛織女今香山昆明池湖玉帶

橋西有耕織圖處左右嵌有耕織圖石刻湖東有銅牛

蒙大謂胡笳奏曲人為綽爾齊以蟬聲與胡笳相似因以名蟬

近日辛丑文科之三元錢幣人皆知之而甲戌武科之願鏞則人不知也

玉璽潛曰傳國璽是秦始皇所刻其玉出藍田山丞相李斯篆其文曰受命于天既壽永昌又宋鄭文寶玉璽記載傳授本末曰秦璽其圍四寸至漢謂之傳國璽歷代皆用其名永嘉之後復歸江左者晉璽也太和之末得自西燕更涉六朝至於隋代者慕容燕璽也劉裕北伐得之關中歷晉至隋者姚秦璽也開

運間入契丹者石晉壘也當時昏誤以為秦壘實則秦壘之失已久

聖祖御書五福堂 賜 世宗恭慕懸之 雍和宮及

圓明園乾隆丙申 皇上葺寧壽宮之 景福宮因作五福

頌書之屏間至甲辰 皇上喜得元孫五代同堂 景福宮

增書為五福五代堂而於 圓明園及避暑山莊 勤政殿後

亦懸是額並鐫五福五代堂古稀天子寶以誌慶

周宣石鼓向在太學 皇上閱近時搨本惜其字跡漫漶所

存僅三百十字因 親加排次截長補短仍為十章并為之

序 命新製十鼓勒文並列國學以熱河為每歲 惠

遠詰武之地亦 命於 文廟鐫刻十鼓列於戟門而太學

之舊鼓則 命繚垣以蔽風雨俾永萬世其文宋薛尚功以

下諸家各有訓釋元潘迪重作音訓刻碑鼓旁因並 命詞

臣更依 新編石鼓文字次第擇諸家之長為音訓附刻

御製序文碑陰與迪碑並傳千古俾閱者一目瞭然

大通河一名通惠發源玉泉山泉自山根仰出趵突噴薄又引

香山碧雲寺之水匯而為湖出水城關入昆明湖經高粱橋分

為三一由德勝門入流為太液池及紫禁護城諸水東南出匯

大通橋一由西直門外繞而南又東北至大通橋一由德勝門

外繞而東南亦會大通橋至通州設五閘蓄水以濟漕運

人參產遼陽吉林寧古塔諸山世珍為上藥蓋諸山皆發脈長

白水則鴨綠混同愛濤三江

大學士史貽直康熙庚辰進士後乾隆庚辰重赴宴又大學士

稽璜雍正庚戌進士乾隆庚戌亦重赴宴

玉王二字不同點在下者寶玉字也點在上者玉工也讀為粟

顛二音

上恭閱

實錄念睿親王多爾袞開國時統衆入關撫定疆陲奉迎世祖厥功最著後以搆誣定罪除封

實錄所載王大有功而無叛逆之跡不可不為昭雪

特命復還封號追謚曰忠補入

玉牒並

令補繼襲封又豫親王多鐸從睿親王入關戰功為開國諸王最以睿親王株連降封信郡王六應世昨元封他如禮親王後改封康親王鄭親王改封簡親王肅親王改封顯親王克勤郡王改封平郡王當時皆功在宗社今其子所襲均非始封之名幾忘先世受封之由弗克顧名奮効俱令仍復原封其餘宗室諸王貝勒封爵後經降奪者若非本人身罹重愆不當以子孫獲咎追貶其祖宗世爵並

命館臣纂入王公表傳以垂示後世

河源自史記漢書所記外諸家辨論不一元世祖時遣使至青海之星宿海而止康熙年間拉錫亦但以鄂敦他臘古所謂火敦腦兒為河源是歲

上命阿必達往青海務窮河之真源乃得阿勒坦噶達蘇齊老之上天池所驪百道金色始得真源繪圖覆奏

御製詩文紀事並

命編河源紀畧一書改定蒙古人地名對音刊刻頒布

漢時宮殿之瓦工料堅緻故未央宮銅雀臺瓦後人多製為硯此長生無極瓦頭六漢初蕭何所監造者較之銅雀臺成於漢末建安時者更前四百年矣其云長生無極蓋與長生未央長樂無極同為吉語云

帝京景物畧載明永樂年果園別紅雕漆遠勝元季作者宣德

時工人屢以不逮永樂時所製獲罪因私購內藏盤盒磨去針刻細款刀鐫宣德大字以濃金掩之

宋時章生一生二兄弟皆龍泉窰工生二所陶青器純粹如美玉是為官窰生一所陶淺白斷紋號百圾碎是為哥窰生者以為遜於官窰

水之質輕者味甘故辨水者視其質之輕重定泉之高下唐陸羽劉伯芻或以廬山谷簾為第一或以揚子江水為第一惠山為第二嘗製銀斗較之京師玉泉之水與塞上伊遜之水俱斗重一兩揚子金山泉較重三釐惠山泉較重四釐則谷簾亦大概可知因定玉泉為天下第一而南人享帚之論未足為據也

周官冢宰均節財用嗣後史策所載如平準書郡國錢穀簿開元戶部帳元和國計簿太和國計景德祥符等會計錄治平經

費節要熙寧三司會計司戶部職掌皆勒為一書以著一代國用之制

我

朝定制每於年底戶部彙核歲出歲入總冊具奏以出較入尚有盈餘即如上年各省實徵歲入銀四千二百五十九萬餘兩內俸工兵餉驛站等經費出銀三千一百七十七萬餘兩餘銀一千八十一萬六千餘兩是每歲留協酌撥本不及正賦四分之一我

皇上臨御既久運際昇平故賦不加增而歲有餘積

天文家以亥為天倉

國朝定制江浙等八省徵收漕白糧米四百六十萬一千九百餘石轉運通倉以實京儲

前代地稅丁銀各為一款我

朝始定一條鞭法將丁銀攤入地畝名曰條銀每歲額徵二千九四百一十一萬有奇
煮海為鹽昉於管子

國家設兩淮長蘆鹽政專司榷務廣東則以總督浙江則以巡撫兼攝他若雲南之井鹽河東之池鹽亦俱道員並提舉大使等官各司其事共徵正額鹽課銀五百七十四萬五千有奇都邑津梁設閘抽稅既裕國用兼抑逐末京師盧溝橋稅務以崇門文監督領之餘若左右兩翼外之天津山海淮安許墅揚州蕪湖西新鳳陽江海臨清九江贛州北新浙海閩海太平粵海龍江宿遷各閘及張家口殺虎口歸化城或專派監督或領於墨吏統計稅銀五百四十一萬五千有奇江南安徽沿海沿湖一帶皆生蘆葦向例招商升課額徵銀十三萬二千五百餘兩

魚課惟江蘇安徽江西浙江福建湖北湖南廣東諸省有之歲額徵銀共二萬四千五百兩有奇

茶課惟江蘇安徽江西浙江湖北湖南甘肅四川雲南諸省有之歲額徵銀七萬三千一百兩有奇商販流通並無前代設官征榷之擾

各省衛屯田向係衛籍旗丁耕種後因轉售民間丁力愈形疲乏

皇上加恩發帑贖回官為徵收佃租津貼疲丁合計各省有漕運者歲不下數十百萬

竹木等稅及各處落地雜稅

盛京各直省皆有之每歲額徵銀共八十五萬八千有奇民間置田地房屋計其值每兩輸銀三分布政司給與鈐印契尾並行鋪各給牙帖歲徵銀共十九萬有奇

雲南金礦歲課金六十六兩有奇貴州思南府無定額雲南銀
礦歲課銀六萬七千三百兩有奇永昌府及東廣州縣無定額
雲南銅礦額課銀一萬八百二十兩有奇四川廣東廣西無定
額福建廣東廣西鐵礦額課銀二千一百五十兩有奇湖北四
川無定額雲南鉛錫礦額課銀三千一百八十兩餘山西湖南
四川廣東廣西貴州無定額

西洋法推驗各處太陽出入節氣時刻載入時憲書者如伊犁
之塔爾巴哈台烏魯木齊等處回部之阿克蘇葉爾羌噶什喀
爾庫車等處兩金川之美諾噶拉依勒烏圍等處外藩之哈薩
克布魯特和罕等處

本朝馬政據兵部冊報自巡捕五營暨各省額設官兵馬共十
萬六千八百五十三匹熱河密雲及各省駐防馬共八萬六千
二十一匹至各處孳生馬廐太僕寺左右兩翼及巴里坤甘州

涼州肅州三廐西寧伊犁察哈爾額魯特塔爾巴哈台等處又
不下二十餘萬匹

戶部寶泉局工部寶源局每年按卯額鑄其各省及伊犁回疆
俱設爐鼓鑄每歲約三百餘萬串搭放官員公費兵丁月餉及
節慎庫雜用工程匠夫催價

西陲平定

特命大臣分駐經理巴里坤烏魯木齊古城哈密吐魯番喀喇
沙爾塔爾巴哈台烏什伊犁闡展等處屯田每歲收成有至二
三十分者計共徵糧二十四萬有奇又金川平定後立懋功協
屯田亦屢慶豐收

定制宗室封爵自親王至奉恩將軍十有四等祿自親王萬兩
萬斛以下以次為差至閒散宗室新經加恩給予四品頂帶者
每月支錢糧三兩在宗學讀書者月給銀三兩米三斗凡宗室

婚事給銀百兩白事百二十兩至王公管理事務遇有罰俸者
定例八旗世職官員兵丁及閑散人等凡遇紅白事件分別
恩賞約歲需銀十五萬二千餘兩各省駐防綠營亦俱一體得
賞給

八旗添設養育兵額缺滿洲一萬二千六百七十三缺蒙古三
千二百七十九缺火器營一千缺健銳營五百缺
圓明園一千一百七十六缺漢軍四千八百二十一缺每名月
給銀一兩五錢共歲給銀四十二萬二千餘兩

國朝世職公侯伯子男之下有輕車都
尉騎都尉雲騎尉非世襲因替者以次遞降至雲騎尉
皇上加恩勲舊特設恩騎尉以襲雲騎尉之後一等公歲支俸
銀七百兩二等公六百八十五兩以次遞減至恩騎尉四十五
兩

每科進士各給旗匾銀三十兩表裏一端一甲三名則加銀五
十兩直省舉人每名給坊銀二十兩又給會試盤費自三兩至
三十兩不等雲貴及嘉峪關外者并給驛馬

乾隆十八年定實運漕船共五千六百八十八號運弁運軍凡
出運之年各給行糧二石四斗至三石有差運軍月糧八石九
斗至十二石有差又每船給脩費七兩五錢十年更造一次每
船開銷料價銀二百八兩其奉天浙江山東山西江蘇廣東湖
南湖北及天津等處水師營俱有戰船哨船沙唬趕繒繒結拖
風雙蓬塢樓宣樓黃快諸名歲支銷油艙揮洗津貼脩造諸費
壽百歲者宗室覺羅由宗人府具奏八旗由都統直省由督撫
題請

旌表禮部核奏給建坊銀三十兩百歲以上者
賞緞一疋銀十兩每逾十歲遞加有差恭逢

壽寓延洪男婦享壽期頤者歲以數十計至五代同堂之八十九十給與銀幣及衣帛食肉之七十以上者更難悉數矣南北河工海塘捍衛民生田廬南北歲脩直隕永定河多至二萬二千一百餘兩南北運河多至三萬二千一百餘兩通惠河六千七百餘兩滹沱河一千五百餘兩又若鎮江之大挑瓜洲之江防各須銀數千兩不等

京師五城自十月至仲春分設飯廠無業貧民得充口食又發米三百石交功德林普濟堂煮粥分賑亦歲以為常

京師石道朝陽門外長五千五百餘丈西直門外長三千餘丈廣寧門外長二千四百餘丈歲久圯仄甲辰

命一律脩治並重脩正陽門外石道八百餘丈西便門外一千三百餘丈共用銀一百五十餘萬又先後修葺盧溝橋石道並重葺盧溝橋涿州之永濟橋徐州之荆山橋用帑各數十萬

京師太學自

金元建都以來未備辟雍之制乾隆癸卯特命肇建辟雍於乙巳年告成

親臨開講四氏諸生侍藩賀介橋門觀聽凡費帑銀十二萬餘兩又以戟門石鼓乃古聖王遺製

命週製欄楯復重排見存之字製為十鼓製序闡明大書深刻並刊於熱河

文廟又石經自漢熹平魏正始唐開成北宋祥符南宋紹興均有舊刻同文規制典要攸係爰勅以

內府舊藏蔣衡所書十三經摹勒上石

派大學士

南書房翰林等細加讎校務臻完善計用帑銀三萬有奇

藏地有前後中三處卡木為前藏即打箭爐外察木多也察木即漢語之靈秀多即山石其地山勢峻拔為帕克巴拉呼圖克圖所居之地衛者為漢語之中即布達拉大昭達賴喇嘛所居也是為中藏藏者為漢語之淨又為善即扎什倫布廟乃班禪額爾德尼之所居是為後藏廓爾喀部落又在後藏邊界之外其巢穴名陽布先是後藏邊外有巴勒布三部嗣為廓爾喀兼并遂與後藏之聶拉木濟隴宗喀等處接界

杜佑通典曰顓頊祀共工氏子句龍為社烈山氏子柱為稷高辛氏唐虞夏皆因之殷湯為旱遷柱而以周棄代之孔穎達禮記疏云鄭康成以社為五土總神稷為原隰之神句龍以有平水土之功配社祀之稷有播種之功配稷祀之賈逵馬融王肅之徒以社祭句龍稷祭后稷皆人鬼非地神是賈逵諸人直以后土句龍為太社后稷為太稷矣馬貴與文獻通考引朱子楊

復之說並以鄭說為長

真定府隆興寺創建於隋開皇六年恒州刺史鄂國公王孝僊監造世訛傳為唐之鄂國公尉遲敬德者非也

明永樂時平交趾得神機鎗砲法特置神機營肄習製用至正德中西洋佛郎機固有海舶至廣東因傳其砲製嘉靖八年遂依造名之曰大將軍發諸邊鎮萬厯中大西洋船至復得巨砲曰紅夷俗云紅衣重者至三千斤能震數十里我朝則尤為行軍利器國初崇德年間製神威大將軍至三千八百斤康熙年間製神威無敵大將軍重凡二三千斤不等又有紅衣砲重至五千斤武成永固大將軍砲重至七千斤者

伯克回部官之總名其曰阿奇木伯克者協理事務若內地副都統其品級自三品至七品有差管理錢糧者噶咱納齊伯克協理者高伯克司刑名者哈資伯克司貿易匠役者訥克布伯

克司念經者摩提色布伯克司買賣田產者密圖巴理伯克司水利者密拉布伯克司來使供給文移者都管伯克司牲畜稅者巴濟伯爾伯克司菓園者巴克瑪塔爾伯克司脩差遣者什瑚爾伯克司承徵錢糧者阿爾巴布伯克司巡捕者帕提沙布伯克司本城村一切事及襍差者明克伯司外來貿易稅者克勒克雅拉克伯克司教幼童經者默克塔布伯克司街巡園木者塞依得爾伯克司軍器者哲百伯克相沿仍舊選補則由駐劄大臣核奏皆如內地

大漠以北如古大宛等國漢唐來臣服未及之地胥隸版圖其輸駿異貢權奇者相望如拔達克山八駿愛烏罕四駿皆邀睿製而內地馬多市於哈薩克歲命織造平價買絲官織短長厚薄如式發伊犁和市計馬一疋不過三四金操縱皆由官吏非如各代馬市任彼居奇有五十疋帛易一羸者見

御製反白居易陰山道樂府

回部為城郭之國各依形勝築城以居其最著者為五大城曰葉爾羌葉爾者漢語為土宇羌者寬也屬境二十九曰喀什噶爾喀什者漢語為初噶爾者初也屬境二十一曰和闐回人謂漢人為黑台猶國語之尼堪和真即黑台之訛音也屬境三十二曰烏什烏什者猶漢語云峯巒飛騰聳峻也屬境三十二曰阿克蘇回語謂白為阿克水為蘇屬境二十一皆設辦事大臣叅贊大臣統兵駐轄其地又有小城十三曰庫車曰喀喇沙爾曰英吉沙爾曰沙雅爾曰布古爾曰庫爾勒曰賽里木曰拜城曰哈喇哈什曰玉隴哈什曰車呼曰塔克曰克爾雅分隸五大城駐守大臣管轄星羅繡錯控制相維西域既平

上命纂

皇輿西域圖志以天山南路天山北路準部回部分畫疆界繪

圖系說犁然秩然並戶籍風土賦則營制瞭如指掌

回疆底定錢幣流通初回人謂錢為雅爾嗎克以一錢為一普爾五十普爾為一騰格後以百普爾為一騰格平定後以舊錢形橢中無方孔設局鼓鑄照內地錢樣

唐有驃國樂見白居易樂府乃韋鞞鎮蜀時購進茲孟隕遣頭目齎金葉表文進馴象金塔等物並驃樂一部今隸樂部之末與朝鮮回部安南諸樂並陳

內地銅錢向止行至打箭爐地方自打箭爐直至拉里全用銀錢及碎銀至是令商上鑄造銀錢每圓重一錢五分者紋銀每兩易錢六圓重一錢者紋銀每兩易錢九圓重五分者紋銀每兩易錢十八圓駐藏大臣派員督同噶布倫等監造驗明成色正面用漢字模鑄乾隆嘉慶寶箴字樣背面用唐古特字模鑄乾隆嘉慶寶箴字樣並於邊廓鑄造年分與廓爾喀所鑄同係

紋銀使彼此均無藉口可期永遠通行

北史張白澤本字鍾葵又太原公于勁字鍾葵又堯暄本名鍾葵宋宗慤妹名鍾葵後世畫工作鍾旭嫁妹圖由宗慤妹而傳會也但葵旭二字異耳又楊慎外集鍾旭即終葵畫工又有作元夕出遊圖者

蘇州專諸巷多玉工然不如和闐美玉痕都斯坦玉工所製者彼蓋水磨所造化葉分明撫之却無痕跡材美工巧是為兼之文安淀河在霸州文安大城武清東安靜海境者為東淀自雄縣安州安肅高陽諸水來者為西淀中有長堤格之又有橋八座以醜西淀之水入於東淀而歸之大清河

團河之源舊稱團泊在黃村門內六里許乾隆四十二年重加疏濬開拓出南苑牆醜為鳳河又東南流與永定河合藉以刷滌濁沙由大清河歸海

每歲三伏惟中伏長短不同有一旬兩旬之殊總以夏至後得
庚遲早為定蓋夏至後第三庚起初伏第四庚為中伏立秋後
值庚為末伏夏至距立秋約四十六七日如夏至後得庚早則
立秋前當有五庚立秋後末伏即為第六庚是中伏應有二十
日夏至後得庚遲則立秋前祇有四庚立秋後末伏即為第五
庚是中伏應祇有十日

熱河即武列水其源出中閩北之固都爾呼山會茅溝河賽音
郭勒河至三道溝南折而東南與湯泉合距山莊東北數十餘
里之列谿遂稱武列水又東南歷石挺下詳見向所作熱河考
於此引其一流入山莊之東北門

冰牀古無其制起於宋北邊雄霸滄景之間見江鄰幾襍志沈
括筆談蓋舟車之用遇冰而窮惟此可以利涉一人挽之可載
數人用力少而受直廉

自漢武帝始建兩字以紀年列代因之惟漢光武之建武宋文
帝之元嘉一元卅載餘即享國長久若漢武帝五十四年而改
建元元光元朔元狩元鼎元封太初天漢太始征和後元凡十
一號宋仁宗四十一年而改天聖明道景祐寶元康定慶曆皇
祐至和嘉祐凡九號

永定河即桑乾河相傳至桑椹時必乾數日若乾之日少則夏
無暴漲

碧雲寺本元之碧雲菴耶律阿勒彌所建明正德中內監于經
拓之為寺立冢域於後嘉靖初經敗至天啓三年魏忠賢復立
為冢域

熊各處皆有罷之惟
盛京吉林始有之

快雪堂石利馮氏子孫不能守鬻于黃氏航歸閩中督臣楊景

素貫之獻

上命築堂以石版排嵌廊壁

乾隆四十四年以

御臨蘭亭本虞世南褚遂良馮承素摹蘭亭叙柳公權書蘭亭詩董其昌臨柳本及戲鴻堂序刻柳本並于敏中補成柳摹全字本為八卷刻石

題曰蘭亭八柱帖

四人養鷹鷄者謂之鵠師赤

濡水濡字惟独石口外之濡音義不同內凡三處一涿州一

河間府一易州

回訖有康干河折松花為石今吐魯番哈密每歲貢木變石有

長逾六七尺者

畜羸驢父馬母內地有之沙漠所無野羸沙漠產不可乘用今

蒙古處無驢畜羸奚有史記單于乘羸語不知何據

盧溝橋為永定河鎖鑰石景山以上兩岸岡壘夾峙下游又有

運河橫隔不能徑達歸風河由直沽而後入海也

梵書向右行外域書多同回書旁行向左

德勝門外蒲塘數區濬治之修松林玉河使支流入城由積

水潭至太液池

盛京冬沍時製器如車無輪挽行冰上名法喇吉林烏喇劄獨

木為水舟名威呼今京師濠冰既合亦用柁牀以濟行旅

孔子塚塋中樹皆異種魯人無能指名者蓋弟子中異國人各

持其方所生樹來種之云



